

Annexe.

Extrait des Ires quescrypt Mons^r de la Pree a Mons^r de Boucle, premier eschevin de la ville de Gand, du xxii de decembre 1580.

Un paisant daupres dicy m'est venu trouver ce matin avecq ung billet contenant memoire come ung gentilhomme de Mons^r de Montigny a dict a Lille avanthier, que led^t S^r a eut reprinse sur Bruges ou sur Ypres ou sur Menin. Come aussy de faict il a tres bonne ptie de garnison d'aux environs d'icy, j'ay envoye led^t billet a sad^{te} Ex^{se} nayant eu le loisir d'y aller pour des empeschements pressants et ne sachant que vous escripre d'avantaige, etc.

A Mons^r de la Pre ou a Mons^r de La Capelle pour adverten que le jour'hui xx^e du mois aulcun avoit entendu en la ville de Lille de par ung gentilhomme de Montigny, quil se treuve quelque trahison sur Bruges, Ypre ou Menin, ne voulut point dire le dernier disant que son serment y pendoit et de brief.

CCCLXV.

Lettre du Prince d'Orange à Josse Borlout. — Il croit qu'on obtiendra bientôt la paix; les nouvelles qu'il a recues du Duc d'Anjou et du Roi de Navarre lui en donnent l'espoir. (Mss. B.)

Monsieur de Boucle,

1580
24 Decemb.

Jai este bien aise d'entendre si particulierement par voz Ires comment toutes choses sont passees en Flandre depuis ma venue de par deca. Et d'aultant comme vous entendrez, il semble que

Dieu nous veuille susciter un moyen pour nous délivrer de ceste pesante guerre. Je vous prie de continuer a tenir la main, a ce que les affaires se conduisent le plus doucement quil sera possible. Car jespere moicnnant la grace de Dieu qu'en brief y aura amendement a noz affaires, de quoy les gens de bien auront grande occasion de contentement. Je ne doute que voz Deputez ne vous envoient la coppie des lres quilz ont receues de France, et ie vous envoie cy jointes la coppie de celles que jai receues de Monseigneur d'Aniou, et du Roy de Navarre, par les quelles vous cognoistrez sur quoy est fondee l'esperance que ie conceoi qu'à l'advenir toutes choses iront miculx (1). Je vous prie de les communiquer tant a Messieurs les quatre membres, qu'a Messieurs du Conseil de la guerre. Sur ce je prierai Dieu

Monsieur de Boucle vous donner en santé tres heureuse et longue vie cscript a Delft ce xxiii^e jour de Decembre 1580.

Vre bien bon amy a vre commandement,
GUILLE DE NASSAU.

(1) Ces lettres ont été publiées par M. Groen v. Prinsterer dans la *Correspondance inédite de la maison d'Orange-Nassau*, t. VII, p. 465 et 466.